



Broj: 06-14-1-3605-7/2022
Sarajevo, 01.12.2022. godine

SVI SUDOVI U BiH
N/r predsjednika suda

Predmet: Upitnik CEPEJ-a/Evropske komisije za države iz regije Zapadni Balkan, traže se podaci za 2022. godinu

Poštovani,

Visoko sudsko i tužilačko vijeće Bosne i Hercegovine (u daljem tekstu: VSTV BiH) predstavlja pravosudni sistem Bosne i Hercegovine u Evropskoj komisiji za efikasnost pravosuđa u okviru Vijeća Evrope (u daljem tekstu: CEPEJ).

Tokom 2018. godine Evropska komisija predložila je Vijeću Evrope, to jeste CEPEJ-u, provođenje aktivnosti koja će biti usmjerena na podršku u ostvarenju djelotvornog, sistematskog i na činjenicama utemeljenog donošenja zaključaka o provođenju pravosudnih reformi u regiji Zapadni Balkan (Albanija, Bosna i Hercegovina, Crna Gora, Sjeverna Makedonija, Srbija, Kosovo). Ova aktivnost se provodi kroz prikupljanje i obradu podataka o radu pravosudnog sistema u pomenutim državama regije Zapadni Balkan na jednogodišnjoj osnovi počevši od 2019. godine.

U 2019. godini potpisan je odgovarajući sporazum između Evropske komisije i CEPEJ-a i pripremljen je Upitnik CEPEJ-a/Evropske komisije za države iz regije Zapadni Balkan (u daljem tekstu: Upitnik). Navedena aktivnost je u direktnoj vezi sa Strategijom za regiju Zapadni Balkan za mjerenje učinka reformi pravosuđa. Pomenutom Strategijom se traži da se obezbijede kvantitativni i kvalitativni podaci o radu navedenih pravosudnih sistema, koji će omogućiti bolje mjerenje rezultata reformi podržanih od strane Evropske komisije.

Nastavno na navedeno, u toku je popunjavanje Upitnika kako bi se prikazalo stanje u pravosuđu za 2022. godinu radi pripreme Izvještaja CEPEJ-a za Evropsku komisiju, u toku 2023. godine.

S tim u vezi potrebno je da sudovi dostave slijedeće informacije za 2022. godinu.

I. Broj sudskih porotnika (22. pitanje u Upitniku)

Potrebno je da dostavite VSTV BiH podatak o broju sudskih porotnika u sudu na dan 31.12.2022. godine. Podaci se unose u **Tabelu 1. Porotnici** koju sudovi mogu preuzeti na Internet stranici <https://vstv.pravosudje.ba/vstvfo/B/141/article/106391>

II. Vremenski okvir kad je riječ o proceduri odobravanja besplatne pravne pomoći (88-1. pitanje u Upitniku)

Pitanja:

*Koliko iznosi (u danima) prosječno trajanje procedure odobravanja zahtjeva za postavljanje branioca osumnjičenom, odnosno optuženom, zbog slabog imovinskog stanja u okviru **krivičnog postupka**, počev od podnošenja inicijalnog zahtjeva do donošenja finalne sudske odluke kojom se odobrava isti?*

*Koliko iznosi (u danima) prosječno trajanje procedure oslobađanja stranke od plaćanja troškova postupka zbog općeg imovnog stanja u okviru **parničnog postupka**, počev od podnošenja inicijalnog prijedloga stranke za oslobađanje od plaćanja troškova postupka do donošenja rješenja o oslobađanju od plaćanja troškova postupka?*

Podaci se unose u **Tabelu 2. Besplatna pravna pomoć** koju sudovi mogu preuzeti na prethodno navedenoj Internet stranici.

III. Izuzeće/isključenje sudije (161. pitanje u Upitniku)

Potrebno je da dostavite VSTV BiH podatak o broju predmeta sa zahtjevima sudije/stranaka za isključenje/izuzeće sudije i broju predmeta u kojima je odlučeno po takvim zahtjevima. Molimo da u Tabeli 3. Izuzeća_isključenja sudija, za predmete suda, dostavite sljedeće podatke:

- Poslovni broj predmeta u kojem je u 2022. godini (zaključno sa 31.12.2022.) podnesen **zahtjev stranke** za izuzeće/isključenje sudije (Tabela 3.1a);
- Poslovni broj predmeta u kojem je u 2022. godini (zaključno sa 31.12.2022.) podnesen **zahtjev sudije** za izuzeće/isključenje sudije (Tabela 3.1b);
- Poslovni broj predmeta u kojem je u 2022. godini (zaključno sa 31.12.2022.) doneseno rješenje po **zahtjevu stranke** za izuzeće/isključenje sudije, bez obzira da li je zahtjev usvojen ili odbijen (Tabela 3.2a);
- Poslovni broj predmeta u kojem je u 2022. godini (zaključno sa 31.12.2022.) doneseno rješenje po **zahtjevu sudije** za izuzeće/isključenje sudije, bez obzira da li je zahtjev usvojen ili odbijen (Tabela 3.2b);
- Poslovni broj predmeta u kojem je u 2022. godini (zaključno sa 31.12.2022.) doneseno rješenje kojim se usvaja **zahtjev stranke** za izuzeće/isključenje sudije (Tabela 3.3a);
- Poslovni broj predmeta u kojem je u 2022. godini (zaključno sa 31.12.2022.) doneseno rješenje kojim se usvaja **zahtjev sudije** za izuzeće/isključenje sudije (Tabela 3.3b);
- Komentar – Potrebno je kopirati iz Tabele 3.1a i Tabele 3.3a poslovni broj predmeta u kojem je u 2022. godini (zaključno sa 31.12.2022.) podneseno više zahtjeva stranke za izuzeće/isključenje sudije, odnosno doneseno više rješenja kojim se usvaja zahtjev stranke za izuzeće/isključenje sudije (Tabela 3.4a);
- Komentar – Potrebno je kopirati iz Tabele 3.1b i Tabele 3.3b poslovni broj predmeta u kojem je u 2022. godini (zaključno sa 31.12.2022.) podneseno više zahtjeva sudije za izuzeće/isključenje sudije, odnosno doneseno više rješenja kojim se usvaja zahtjev sudije za izuzeće/isključenje sudije (Tabela 3.4b);
- Komentar - Potrebno je kopirati iz Tabele 3.1a i 3.1b i Tabele 3.3a i 3.3b poslovni broj predmeta u kojem je 31.12.2022. godine podnesen i zahtjev stranke i zahtjev sudije za izuzeće/isključenje sudije, odnosno doneseno više rješenja kojim se usvaju zahtjevi stranke i sudije za izuzeće/isključenje sudije (Tabela 3.5).

Napominjemo da raspoloživi podaci u Sistemu za upravljanje predmetima, koji su analizirani u saradnji sa IKT Odjelom Sekretarijata VSTV BiH, ne omogućavaju da se pripremi cjeloviti odgovor na navedeno pitanje, koje se smatra vrlo važnim u okviru upitnika CEPEJ-a. S tim u vezi, potrebno je da sudovi izvrše neposredni uvid u svoje predmete i utvrde tačan broj zahtjeva stranaka za izuzeće i rješenja po takvim zahtjevima.

Podaci se unose u **Tabelu 3. Izuzeća_isključenja sudija** koju sudovi mogu preuzeti na prethodno navedenoj Internet stranici.

IV. Presignacija predmeta (185-1. pitanje u Upitniku)

Potrebno je da dostavite VSTV BiH podatak o broju presigniranih predmeta u 2022. godini. Podaci se unose u **Tabelu 4. Presignacija predmeta** koju sudovi mogu preuzeti na prethodno navedenoj Internet stranici.

Molimo da popunjene tabele dostavite VSTV BiH **najkasnije do petka, 13.01.2023. godine**, putem pošte ili na slijedeću e-mail adresu: vstvpravosudnauprava@pravosudje.ba.

Dodatno, na navedenoj Internet adresi možete preuzeti i tabele sa zbirnim podacima (Tabela 5. Zbirni podaci CEPEJ 2021) koje su sudovi dostavili u okviru izvještavanja o broju predmeta sa zahtjevima stranaka za isključenje/izuzeće sudije, broju predmeta u kojima je odlučeno po takvim zahtjevima i broju sudskih porotnika za 2021. godinu. Potrebno je u gore navedenom roku dostavite i pojašnjenja razloga za eventualna bitna odstupanja u podacima za 2022. godinu u odnosu na podatke dostavljene za 2021. godinu (+/-20% ili veća promjena vrijednosti).

Ukoliko su Vam potrebne dodatne informacije u vezi sa ovim upitom, molimo da nam se obratite na broj telefona: 033 707 538 ili 033 704 615.

S poštovanjem,

MP  **Predsjednik VSTV BiH**
Halil Lagumdžija

Dostaviti:

- Naslovu,
- a/a.